


WAT LAMBA



BORNEO LITERATURE BUREAU

WAT LAMBA

Ditulis

DUNSTAN ENTINGI



Wat Lamba



SAR00017404

PUSAT DOKUMENTASI MELAYU
DEWAN BAHASA DAN PUSTAKA



BORNEO LITERATURE BUREAU

© BORNEO LITERATURE BUREAU, 1967

*Gambar dalam bup tu ditunda
Harry Anding, betaladan ka iya
ti dilukis penulis empu*

PERPUSTAKAAN DBP/SAR.	
No. Kelas:	
No. Perolehan:	11925
Tarikh:	T.T.

Dichelak

CASLON PRINTERS, LTD.

HONG KONG

GENTERAN ENSERA

<i>Telian</i>	<i>Lambar</i>
Ngandong	1
Ngiru	6
Bedara	10
Nurun pegi	23
Antu Kamba	26
Gerasi Bukit	36
Bunsu Bulan Seduai Bunsu Tunggok	48
Bunsu Rengayong Enggau Telanjing.. .. .	56
Belian Bebunoh	60
Bunsu Enturun	69
Menoa Simpandai	80
Angkat Terebai	82
Biku Raja Petara	86
Wat Lamba Pulai	104
Nanya Bini	108
Melah Pinang	126
Pulai Melah Pinang	172
Bebiau	175

NGANDONG

NYADI MENYA, leboh rambau Keling ke mali diri nyadi anak mit. Iya ditemu sida Indai Pau ke mansai lalu di idup ka sida. Iya lalu dikumbai Adi Pau. Leboh nya iya ngarong diri. Nya alai gamal iya tak chukop penyai leboh iya nyau besai. Rambau nya mega iya bisi ngayap ngagai Kumang. Leboh datai ba kibong Kumang dia gamal iya udah bebal manah. Karong iya udah ditinggal ka iya ba tempuan bilik sida Kumang. Genap kali Karong iya tinggal dia, Karong nya tadi nyadi mensia siko. Nya ngayap ngagai Indai Lipai. Indai Lipai tu endang ulun indu sida Kumang. Iya tindok ba tempuan bilik ngimbai moa pintu.

Nya alai ko jerita ditu, nyau kapuas iya ke digayap Karong nya, nyau ka leju-leju deh Indai Lipai tu tadi tak ngandong. Kandong iya mansang besai. Nyau bisi berupai dipeda mata orang buhai.

Pagi siti Indai Lipai nyau nurun mansai. Dia sida sabilik-bilik ke tinggal di rumah dudok begempuru di bilik. Sida berandau diri menyanak. Nya alai leboh ke berandau nya, dia Indai Kumang bisi ngenang pengirau ati diri. Iya irau meda gaya Indai Lipai.

Benong sida baru deka bekenang ka nya, endor tak enda mukai-mukai ga, tak datai ga Sempurai. Seninjik iya bisi nemuai kia. Endang kabaka iya, bagus tama ka bilik, minta ai tuak ngagai Indai Kumang. Sempurai tu tadi agi di moa pintu, alai iya udah ngangau.

"Akai-rai! Bisi ai tuak dia Ibu?" pia ko iya ngangau.

"Eh! Baik bisi, baik nadai! Dudok meh dulu," pia ko Indai Kumang nyaut Sempurai. Iya lalu dudok.

Indai Kumang pan lalu angkat ga ngambi ai tuak ke diempa sida. Sida pan lalu sama ngirup ga dia. Mupok baru ga bejako nampong randau sida ngenang Indai Lipai nya tadi.

Ninga tunga putar jako sida. "Es! Mapap kita tu! Nadai nya tau tak ngandong ngapa. Sapa orang rajin ngayap utai ke ngenyai nya gamal. Ti aku tak diupah orang pan enggai meh. Ukai ga kita ngumbai nya aku," pia ko Sempurai nangkir jako sida.

"Enda nemu meh kitai. Nyangka nya bisi meh kini. Keba iya

tau nyadi bakanya,” pia ko Indai Kumang nyaut jako Sempurai.

“Nya meh! Ukai nya baka ke enda ngelala gamal iya deh kita. Nama iya tak empusong-empusong gaya, amat meh nya,” pia ko Sempurai ga bejako baru.

“Amat bisi ga gaya iya ba mata kami,” pia ko Tutong, agi nangkir jako nya tadi.

“Nyadi aku tak telengga-lengga. Tak enda ati merati ka gamal iya. Laban nya ke tak iya, enda asai ke merati ka indu bukai. Endang enda belaba mimit. Nya alai nadai mega ati sangka. Nama udah nadai sangka tu, nadai ga ati merati ka iya,” pia ko Apai Kumang. “Nya alai, enti nama utai munyi tu, enda tau dikenong ka kitai. Pekara bansa tu enda baka utai bukai. Ukai mina tau nusah kitai sabilik aja. Iya balat besangkut paut enggau orang bukai, enggau rumah tangga. Tau ngachau menoa enggau ai,” pia ko Apai Kumang.

“Nya alai enti udah munyi nya,” pia ko Tutong. “Lak ka utai tu jampat agi teputar. Nuan lemai lagi Indai mansik utai tu enggau chukop ngagai iya empu tuboh. Uдах kitai ninga ari iya ke empu tuboh, nya baru kitai nemu mutar ka tu,” pia ko Tutong manggai ka jako ngagai indai iya.

“Au! Enti iya bakanya. Nya bakanya meh ga,” ko Indai iya nyaut jako Tutong. Uдах abis jako nya tadi sida lalu sama angkat.

Angkat ari nya tadi, Sempurai lalu pansut ka ruai. Iya lalu nyau niti rumah ka setak kin. Iya deka mulai ka diri ka Panggau Libau. Leboh iya datai ba ruai sida Indai Pau di puting setak din, dia iya lalu dudok. Iya dikangau ka Indai Pau ngetu. Samoa sida ke besemak dia lalu bela dudok kia ka magang, ngulu temuai. Sampal agi tuboh ke dia nya bala indu. Sida ke lelaki maioh udah nyau turun. Nya alai nyau kalimpah ari jako bukai, bisi sekeda ari sida ka indu, nanya ka utai diperandau ka sida ba bilik sida Indai Kumang din tadi. Sempurai, taja iya chabul ba jako bukai, enti utai ke bansa tu enda ga iya mudah madah. Iya ingat ka lalau tuai, ke enda ngasoh barang berita ditampong ngagai indu anembiak. Lebih agi enti nya berita ke tau ngemalu orang. Nyau kalama udah dudok dia, Sempurai pan nyau ga mulai ka diri ka Panggau Libau.

Maia tengah hari, nya baru Indai Lipai tu tadi pulai mansai. Taja iya enda lama, tang bulih ikan laban teleba sereta landik ngiga lauk. Leboh makai tengah hari nya sida sabilik sampal bisi dia. Indai Tutong apin nyebut utai nama-nama pasal jako sida iya tadi. Iya endang nemu nya enda manah nyebut barang macham utai ke diadang tau nyuntok ati pangan. Enggai ka bisi enda kenyang makai. Enggai ka diri belaya leboh makai. Enti belaya leboh maia makai, nya ka sema orang, dikumbai makai belauk leka laya. Nya alai sida sabilik sama kenyang makai tengah hari nya belauk ikan ulih Indai Lipai mansai.

Lama udah badu makai tengah hari, nya baru Indai Kumang bejako.

“Enti nuan nyau udah badu lelak lagi anak, nya baru tua ngabas anak triang ubi tuat kitai ka jerami kin. Tak irau bendar ati aku ninga orang nusoi, bisi bekau babi rembus tisau jerami kitai kamari,” pia ko Indai Kumang bejako begadai-gadai enggau Indai Lipai.

“Nya barang iya meh Indai. Tadi amat ga lelak, tang diatu ga nyau lama udah ngetu. Enda ga agi lelak,” pia ko Indai Lipai nyaut Indai Kumang.

Enda lama udah nya seduai lalu mupok nurun ka jerami. Datai di jerami din seduai lalu terus ngali ubi. Uдах badu ngali ubi, nya baru seduai niki ka langkau. Sakumbang seduai ngetu di langkau, dia Indai Kumang lalu bejako.


“Aku anak, tak lain munyi tanya dinga nuan. Enti nunda ko ati, tak lembau endar meh nyebut utai munyi tu. Tang kati ko enggau ga udah maia iya datai. Ni nya ulih dikenda ka kitai agi,” pia ko Indai Kumang bejako begadai-gadai enggau Indai Lipai. “Aku sakumbang kandang empat lima hari tu anak, tak irau bendar ati meda gamal nuan. Enti enda salah mata aku, nuan tak lain endar gamal. Tak baka ke enda tentu nyamai pendiau. Tak baka ke bisi pengeribat tuboh gamal nuan peda aku. Tang kati ko asai nya ba nuan empu deh? Enti amat bisi, anang belalai nuan anak,” pia ko Indai Kumang nanya Indai Lipai begadai-gadai. Indai Lipai lalu enda nyaut. Iya semina sirut-sirut nyabak, dudok nensam nat ka ai mata bakarenjoi nitik nurun moa, lalu nerutu ari dagu.

“Nya meh anak! Aku tak mua penyinu ga ka nuan. Kati ko nuan enda nyabak ati nuan ga tusah, ga malu. Tang dini nya ulih dikemalu ka nuan. Enda nya tau bengat diketusah ka nuan. Utai ke bansa tu, ukai utai bengat tak nyelai bendar. Agi jalan jalai dititi orang maioh tu, samoa ke kena laban penusah tu. Aku nanya nuan bakanya ga, ukai tegal deka nganu nuan. Tang deka nemu putar utai tu enggau bendar. Enti udah nemu reti iya enggau bendar, nya baru kami nyamai mutar ka penusah tu. Enti iya udah diputar ka kami, nya baru nuan ulih lepas ari kena tinggang adat. Nya alai, nya badu nuan agi nyabak. Kami nemu nyaup nuan, ti nuan udah nusoi reti utai tu enggau bendar ngagai aku,” pia ko Indai Kumang agi mupok nanya Indai Lipai enggau jako bujok.

Nyau udah badu nyabak, nya baru Indai Lipai nusoi diri amat bisi pengeribat. Tang deh, leboh nyau ditanya enggau bendar, dia deh iya madah ka diri enda nemu sapa nama orang ke enggau iya beleman. Uдах nya seduai lalu mupok ga mulai ka diri ka rumah. Seduai datai di rumah hari pen nyau udah baroh bendar, nyau maia ngulih ka manok.

Nya alai udah badu makai lemai nya, baru Indai Kumang nusoi berita Indai Lipai nya tadi. Tudah Indai Lipai enda nemu orang ke diambu diri. Nadai meh chara bukai, tak semina dibunuh ka babi. Iya lalu dikumbai ngampang. Nya meh laban ka endang satengah tiang. Enti enda satengah bakanya, kati ko kitai tak deka mai orang tindok, enti enda ngelala orang nya.

Nya alai udah lepas nya, kandong iya pan nyau mansang besai sablesai. Maia iya chukop semilan bulan, iya pan beranak. Anak iya lelaki. Gamal anak iya ganggam. Seduai menyanak sama gerai nyamai. Nama anak iya lalu apin digaga, samina tak dikangau ka sida Wat. Leboh iya nyau mansang besai, dia gamal iya mansang sigat. Moa iya endang tak mereti. Ulah iya endang nyelai lalu manah agi ari enggi samoa anembiak bukai. Nya alai meda gamal iya bengat sigat bakanya, dia sida ngangau ka nama iya Lamba. Nya alai nama iya dikumbai orang Wat Lamba. Aki iya Apai Kumang bagus ngangau ka iya Lamba Diri. Aki iya rindu bendar ka iya, taja



Indai Lipai mangku anak iya

BAHAN SELANJUTNYA BOLEH DIDAPATI DI:

KOLEKSI BORNEO

Pusat Dokumentasi Melayu Tun Hamdan Sheikh Tahir,
Dewan Bahasa dan Pustaka Cawangan Sarawak,
Jalan Tun Datuk Patinggi Abd. Rahman Yaakob,
Petra Jaya,
93050 Kuching, Sarawak.

Telefon: 082 – 227 000/ 048

Faksimile: 082-227 088

Emel: eborneo@dbp.gov.my

“Memelihara Warisan Memupuk Wawasan”

